

紀

古滇說集

一冊



紀古滇說集序

雲南古為滇國天則參井餘氣地則梁益裔土故其沿革附于巴蜀河圖緯所謂南中為蜀之範圍是也史記西南夷傳班固范曄行之至晉常璩作南中志附于華陽國志詳矣余家重膺天恩世守滇雲戎政之暇求滇之遺迹病其畧也蓋史之體內華夏而外荒徼今也九州同域四海一貫固不厭其詳且煩也於類書所引揚子雲蜀本紀譙周異物志僅存千百於一二若任豫之



道宗非元人

益州記韋瑄雲南事狀韋齊沐之雲南行記樊綽之雲南志南蠻記皆名存而籍亡久矣莫可徵也家所舊藏有紀古滇說集乃元人張道宗所錄始自唐虞訖于咸淳方域年運謠俗服叛一一詳焉雖其文不雅馴而鑿鑿傳信不可刪以迷其真也其紀金馬事大與漢書所謂金形似馬碧形似雞之說迥異文儒信史者多疑之余謂是書本偏方所錄自言風土當得其實漢使王褒祭金馬碧雞之神望其地不至又安能必其說為信而

此所錄可疑乎並存之可也遂命梓人鏤之上以廣國家方輿一統之盛下以補職守忠愛萬一之裨觀者幸覽鑿鄙意焉嘉靖己酉十月又二月朔日欽差鎮守雲南總兵官征南將軍右軍都督府都督僉事沐朝弼謹序

紀古滇說集

宋 張道宗 撰次

古滇始自唐虞而前漸有野人授土踰法外君長唐
分命仲宅西曰昧谷虞導黑水至于三危入于南海大
禹治水命神庚辰徇南海分派江河流沙金色故名金
沙入昧谷見水多聚于山頂溪流廣遠谷島高峙稱曰
滇水滇水周三百里其地萬里皆蠻夷所有西窮極有
大秦國身毒國義渠國緞濮國茶砮沙國有聖人名祖

葛尼到此諸國皆有君長茶彌沙是日落之所有大洋
日入其洋矣外有緬夷諸國西南濱海黑水所流八百
日南占城真臘登流眉賓童童國有王舍城中目連舍
基此南海濱也與滇水相去不遠自此西南夷君長以
十數夜郎最大其西靡莫之屬以十數滇最大自滇以
北君長以十數邛都最大此皆雕結耕田有邑聚其外
西自同師以東北至牁榆名為雋昆明皆編髮隨畜遷
徙毋常處毋君長地方可數千里自雋以東北君長以

十數徙葑都最大自葑以東北君長以十數冉駹最大
其俗或土著或移徙在蜀之西自冉駹以東北君長以
十數白馬最大皆氐類也此皆巴蜀西南外蠻夷也西自

南夷以下皆用史漢全文

周宣王在位四十六年時周宣中興先是昭王二十一
年有淨梵王妃摩耶氏生太子悉多不欲為君長入山
禿髮至是聞西天竺即身毒國有國王曰摩耶提是淨梵王
摩耶之後裔摩耶提名阿育生三子長曰福那次曰宏

德季曰至德三子俱勇健阿育王有神驥一匹高八尺紅鬃赤尾毛有金色三子共爭之王莫能決曰三子皆一也與一則偏一而不愛于二也命左右曰將我神驥縱馳去有能追獲者主之乃一縱直奔東向去三子各領部眾相與追逐其季子至德先至滇池之東山獲之即名其山為金馬山長子福邦續至滇池之西山聞季子已獲其馬停憩于西山之麓忽有碧鳳呈祥後誤目山曰碧鷄次子弘德後至滇之北野各主之王憂思滇塞道遂不復返

蒙迦獨即
低牢豈也

哀牢國今永昌郡其先有郡人蒙迦獨摩妻梨羗名沙壺居于牢山蒙迦獨嘗捕魚為生後死牢山水中不獲其尸妻沙壺往哭于此忽見一木浮觸而來旁邊漂沉離水面少許婦坐其上平穩不動明日視之見木沉觸如舊遂嘗浣絮其上若有感因懷妊十月生九子復產一子共男十人一日同母行至池邊問父所在母指曰

死此池中矣語未畢見沉木化為龍出水上語曰若為我生子今俱何在九子見龍驚走獨一小子不能去母固留之此子背龍而坐龍因舐之呼其名曰習農樂母見子背龍而坐鳥語謂背為九謂坐為隆因名其池曰九隆習農樂後長成有神異每有天樂奏于其家鳳皇棲于樹五色花開四時神人常衛護相隨諸兄見有此異又為父所舐而與名遂共推以為王主哀牢山下哀牢山又有一人名奴波心夫婦復生十女子習農樂兄

弟皆娶以為妻奴波息見習農樂有神異遂重愛之而家大壯鄰有禾夢和者嫉欲害之習農樂奉母夜奔巍山之野躬親稼穡修德惟勤教民耕種其九弟兄有妻後漸相滋長種人皆刻畫其身象龍文衣著尾習農樂于巍山之野主其民咸相尊讓有梵僧續舊緣自天竺國來乞食習農樂同室人細密覺勤供于家細密覺餉夫耕則見僧先坐耕所語曰汝夫婦勤耕稼穡以王茲土者無窮也語畢騰空去乃知是觀音大士復化為老

人自鑄其象留示其後今阿蹉觀音像者是也後大將軍張樂進求來會諸首合祭鐵柱鳳皇飛上習農樂左肩樂進求等驚異遂遜位其孫名奇嘉者以蒙彌國

前哀牢王兵阻道阿育王三子不復返矣遂歸滇各主其山後楚莊王遣將莊躡總兵循江上畧巴蜀黔中以西躡至滇見池方三百里旁平地肥饒數千里以兵威定滇民服焉欲歸報會秦并六國擊奪楚巴黔中郡道塞不通因還以其衆王滇其阿育王三子并神明四甥

史漢皆作威王
揚用修曰此又一
莊躡去莊王時
百年矣范史作
莊豪

舅遺衆與躡兵同諸夷雜處躡為滇主崇信佛教不忍殺生遷居白崖鶴拓浪穹後衆推張仁果者君之滇王躡傳世遂絕仁果肇基白崖尚勦業之祥於茲遂以地彌國曰白守三綱明六藝本戒法于天竺枝姓文于漢唐彌年法古正朔從夏

秦滅漢興武帝元狩元年夏五月遣博望侯張騫通西域自大夏使遠大夏在漢西南慕中國患匈奴隔其道誠通蜀身毒國道使近又無害騫還謂帝前言又曰身

毒國乃天竺國也去蜀不遠帝再遣騫道通滇為益州亦曰昆明冊張仁果為滇王通商賈貿易用貝於是漢天子再遣王然于柏始昌呂越人等十餘輩開通西南夷指求身毒國至滇之王張仁果尚在白崖騫雖奉命冊之而仁果仍白氏國王然于等所會滇王當羌亦莊躑之遺也乃留然于等求道四年餘皆閉昆明莫能通滇王與漢使者言曰漢我孰為大及夜郎侯亦然各自以一州王不知漢廣大使者還因盛言滇大國足事親

附天子注意焉後王然于以粵破及誅南夷兵威風諭滇王入朝至元狩三年作昆池以習水戰元鼎六年平西南夷置五郡元封二年秋遣將軍郭昌發巴蜀兵擊滅勞深靡莫以兵臨滇之王降以其地為益州郡賜王玉印復長其民是時漢滅兩粵平西南夷置初郡十七而初郡時：小反殺吏發卒誅之六年郭昌將兵擊昆明又有中郎將衛廣者同昌討平滇國

孝昭帝始元元年夏益州夷反募民吏發奔命擊破之

尚有田廣平戰勝及封鉤町王事未載

四年秋又反復遣兵擊之

宣帝神爵元年春三月遣諫議大夫王褒求滇金馬碧
鷄之神、乃阿育王之伯季子也因收金馬見碧鳳騰
翔各以山主之及弟弘德舅神明俱為神矣王褒由川
來路道險遠弗果在蜀望滇賽之

平帝元始元年春正月滇王獻白雉于朝

王莽天鳳元年秋益州蠻夷殺其大尹莽發兵擊之三
年冬莽大發兵擊益州滇王領率諸蠻會兵迎敵莽兵

漢書成帝時牂牁
發兵最詳此何畧

敗歸蠻夷亦殺其太守莽遣寧始將軍廉丹發巴蜀吏
人及轉兵穀卒徒十萬餘眾擊之吏卒疲連年不能克
而返莽以文齊為太守開通路道灌漑墾田三千餘頃
率厲兵馬修障塞降集羣夷甚得其和及公孫述據益
土文齊據險固守述拘其妻子許以封侯齊遂不降聞
光武即位乃聞道遣使自聞蜀平徵為鎮遠將軍封成
義侯於道卒詔起祠堂立廟祀之

建武十八年滇屬夷渠帥棟蠶與姑復檟榆檟棟連然

棟蠶自莽時已叛

范史作建伶

滇池建寧昆明諸種反叛殺長史益州太守繁勝與戰
敗退保朱提十九年帝遣武威將軍劉尚等發廣漢犍
為蜀郡兵及朱提夷合一萬三千人擊之尚軍遂渡瀘
水入益州界羣夷聞大兵至皆棄壘奔走二十年連與
棟蠡等大戰數月滇王退兵昆明劉尚追棟蠡至不韋
斬之虜七千餘人得生口五千七百馬三千匹牛羊二
萬餘頭夷遂平

明帝永平十一年春哀牢王內附

章帝建初元年哀牢王反伐滇：王兵及郡兵擊斬之
併哀牢

安帝元初五年羣夷大牛種封離等久叛遂殺守令次
年永昌益州諸夷皆叛詔遣益州刺史張喬從事楊竦
將兵擊破之竦病死喬痛惜之乃刻石勒銘圖畫其像
時有神馬四匹出滇池

三國蜀漢建興三年春丞相諸葛亮南征自越雋至南
中所在戰捷雍闓者益州郡之耆帥阻拒漢兵亮斬之

靈帝時高在李
顯討伐事又景
毅為守

范史元和中王追
為守始興學校甘
露降白鳥見後神
馬出亦在此時

遂平時孟獲為夷漢所服僭為蠻王誘扇諸夷牂牁越

雋皆應占據昆明東川武定以及烏撒沾蒙數千里其

眾數萬亮經會川歷三絳武定弄棟姚安而抵永昌斷

九隆山脉以歇王氣遂擒孟獲使觀營壘七縱七擒回

兵白崖立鐵柱以紀南征改益州郡曰建寧以仁果十

七世孫張龍佑領之別遣將畧興古曲靖牂牁順元朱

提烏蒙等郡

晉光熙元年春三月五荅夷寇寧州刺史李毅死之太

寧元年夷復叛寧州刺史王遜死之八年春三月寧州

降于成四剛太元二年春西南夷遣使朝于秦十七年

冬以殷仲堪為都督總荆益寧三州諸軍事

隋開皇十七年二月遣太平公史萬歲討南寧羗平之

萬歲京兆人拜左領軍將軍南寧夷名爨翫者來降拜

昆明刺史既而復叛萬歲復征之自蜻蛉川經弄棟小

勃弄大勃弄至于南中賊前後屯據要害萬歲皆揮兵

破之行數里見孔明紀功碑銘其背曰萬歲之後勝我

即龍佑那

我者過此萬歲遂令左右仆其碑見座下刻石曰隋開
皇十九年將軍史萬歲至此重立吾碑遂立之惶恐再
拜而進渡西洱海入渠濫川行千餘里破其三十餘部
嬰翫以金寶賂萬歲萬歲還朝以罪除名

張樂進求者張仁果三十三世孫張龍佑之十六世孫
也唐冊為首領大將軍雲南王樂進求因祭鐵柱見習
農樂有金鑄鳳皇飛上左肩樂進求等驚異遂遜位哀
牢王孫

即細奴羅偽謚高祖

哀牢王孫曰奇嘉以蒙號國社稷叛于斯故稱蒙社乃
唐高宗永徽四年即蒙十三王之鼻祖也

即羅最轉語之訛
偽謚世宗

第二世興宗王名樂誠有治國之風夷民安堵

即曼羅皮一作誠樂魁

第三世威成王名誠樂威服諸邦有滇人楊道清者殉
道忘軀感現觀音大士遐邇欽風漁者焚網于滇水之
旁酒家隳其器具皆以利物為心王聞之親幸于滇封
道清為顯密圓通大義法師始塑大靈土主天神聖像
曰摩訶迦羅築滇之城龜其形江縈之蛇其相取義易

之既濟五年龜城完有神匠曰羅都道太白蜀中來塑
像又有菩提巴坡者自天竺至以祕呪丹書神位創廟
中城而奉之大義法師又以菩提珠樹庭之西期以興
廢王建都城中冊為天府復像二神一鎮龜城頂一鎮
城南九年追封阿育王三子一舅皆謚以帝號各于所
主山廟祀之長為碧鷄山主廟在山下謚曰伏羲山河
清邦景帝次為靈伏雙夷滇河聖帝三為金馬名山至
德景帝廟在金馬山麓謚舅氏神明曰大聖外祖神明

蒙社即蒙舍越雋
即蒙雋遼朕即鄧
朕

天子廟在碧雞山主廟左時六詔之渠帥曰蒙社詔越雋
詔越析詔浪穹詔施浪詔遼朕詔國相張建成始服五
詔又三年年王遣張建成朝唐建成喜州人也入覲過
成都大慈寺適初鑄鐘成寺僧戒曰擊鐘一聲施金一
兩時進成連扣八十聲僧驚問曰汝何人連扣如此曰
吾南使張建成也僧易其名曰化成遂學佛書後歸以
授滇人成入朝元宗厚禮待之賜以浮屠像王崇事佛
教自茲而啟開元元年癸丑唐遣大匠恭韶徽義造三

塔于點蒼山下建崇聖寺于塔上倚山臨水無不精麗
塔高三百餘尺十六級級遣將守龜城而自還蒙社有和
尚李紹祖者精密法教與道清顯聖嘗持一鐵鉢孟入
定不語民稱曰無言和尚欲晴則鉢內火光燭天遂晴
欲雨則鉢內白氣上騰遂雨王亦封為灌頂國師一日
王詔紹祖于崇聖寺講經有老翁立聽畢忽乘風雲去
王驚問曰此洱水龍也

即皮閣羅

第四世歸義王名魁樂覺以戊辰即位遣部將平五詔
威聲大震時唐元宗開元十六年也唐冊王為特進雲
南王越國公開府儀同三司自唐進封之後永昌諸郡
緬鮮羅大秦西通之國交趾八百真臘占城樞國南通
之國俱以奇珍金寶鹽錦氈布琿瑯巴具歲進于王不
缺于是漸有昌也

第五世神武王名覺羅鳳覺亦始建元曰長壽唐遣中

作閣

使黎敬義持節冊封為雲南王時有劍南節度使鮮于
仲通姚州太守張虔陀與蒙有隙王分將障隘各處築

一作乾陀

城畜武習馬練兵據大理城與雲南城上下聯絡固修城郭曰威楚州城太和城習農樂自蒙社徙所建築也羊苴咩城白崖城張樂進求所建築也文案洞城樂進求原所居也于是通修理之又鄧川東十里鄧賧詔之妻名慈善者詔先被平築城負固王親率兵往欲妻之慈善堅執不從誓曰一女不更二夫攻之不克慈善卒王嘉其節賜號德源城亦修理之城東去七十里有甸言川其川源平坦山勢回合周二百餘里為雲南州州

西北十餘里山麓間有石如鏡光可照面舊名鏡州先張樂進求時北州龍興和山忽五色雲起蕭索輪囷終日不散以為祥州亦築城焉至河尾乃洱水下流羣波爭道疊水懸流雲濤雪浪翻騰如雷有兩關曰龍尾曰龍首皆為增築八年各城始完兵亦練熟結好吐蕃以逸待勞矣唐元宗天寶九載虔陀飲醜卒十載遣鮮于仲通帥師代蒙大戰于趙州之西唐師敗績十三載六月再遣前雲南郡都督李宓廣南節度使何履光統兵

二十萬伐蒙又戰于龍尾關東唐兵敗績將士多死
神武王曰天子致討兵士何辜遂斂尸葬之為萬人塚
其塚如山遂得唐西瀘令鄭回巨儒也王請以師禮之
賜爵國賢大丞相宰輔清平官文風始大振矣立蒙國
大詔德政之碑在太和城

即異年尋別本
皆作神武孫

韋皋未嘗至滇
傳者之誤

第六世孝桓王名意慕新仍以鄭回為相事皆從之即
位之初建元上元唐德宗貞元之初也六年西川節度
使韋皋請蒙皋字成武京兆萬年人也貞元初代張延

賞為節度使唐因蒙附結吐蕃連敗王師乃使皋至蒙
和好皋至蒙王意慕新以回力勸從之八年遣使崔佐
時謝請和好唐再遣祠部郎中袁茲來蒙宣詔時憲宗
元和年也冊彌蒙為南詔王賜元和金印詔賜滇城為
善禪遣弄棟節度使王嵯顛詣善禪創建覺照慧光二
寺命大匠尉遲公燒造磚石皆勒其匠名始建雙塔以
為善禪浮屠及創妙應講寺并一小塔于後唐元和三
年卒唐詔太常卿武少儀持節祭葬

善禪即善闡
嵯顛南詔臣

此事他書所無

第七世孝惠王名新覺勸遣使入貢伴唐使同歸建元
應道羣臣上尊號曰驃信唐亦遣使冊新覺勸為雲南
王以善禪城為東京太和城為西京唐使徐雲虔為嶺
南西道節度使辛儼所遣至善禪城驃信詔入問唐遣
來意雲虔與之抗禮王怒曰何無禮乎雲虔曰王之先
由大唐命得合六詔為一恩德深厚中間乖隔罪在邊
鄙今驃信欲修好念舊豈可違祖考故事乎順祖考孝
也事大國義也息戰爭仁也審名分禮也四者皆令德

也而可不勉乎驃信曰吾欲與唐約為舅甥肯表貢乎
今聞四者令德授爾木夾遣還然終不肯受冊奉貢

第八世幽王名勸龍成建元龍興罷帝號而與唐和未
幾卒時穆宗長慶三年也穆宗遣少府少監李銑詣善
禪葬祭

第九世靖王名勸禮建元全義以王嵯顛為相先是第
六祖孝桓王意慕新封點蒼山為中嶽至王亦大祀之
建昭靈育物土主廟在城北創中嶽神祠在城西中峰

成一作晟

王嵯顛殺之

原本為龍晟子別本
勸利晟為龍晟弟

即最豐祐

之下善禪慧光覺照二寺併落成

第十世昭成王名勸豐祐建元保和唐史文宗大和三
 年王嵯顛領兵攻駕邛戎三州遂入蜀上西郊十日慰
 賚居人取其經籍掠工技數萬人南之工織自是與中
 國同大中十年王建五花樓以會西南夷十六大國君
 長樓方廣五里高百尺上可容萬人保和八年昭成王
 幸善禪樹碑于金馬以絕方物遂卒于善禪葬起蒙舍
 第十一世景莊帝名世隆建元建極改國號曰大理改

唐書作大禮

西京曰中都改東京曰上都元年即遣大將軍獨彥侵
 播州又侵武州皆陷之二年攻安南邕州亦陷之八年
 遣清平官董成入唐求授敵國禮冬復寇安南次年春
 陷交阯唐經畧使蔡襲死之時唐懿宗咸通四年也建
 極十一年又犯蜀掠工匠玉帛以歸自是盡有大渡河
 迤南之地十三年王遣使至品甸按唐史嘗置坡州亦
 名清子川其川澤土壤不減雲南民種蔣為不及爾甸
 中有池名曰清湖灌溉之利達于雲南之楚湖西官道

中有石石上紋如古篆號曰地符王因遣使禁行人謹避不許踐之又山行三十里至白崖由其地形南北袤大小畧與雲南品甸相埒居民甚眾木麻蔽野西有石岩削壁其色如雪故曰白崖又有赤水江回環曲折經于其中因建為因_行宮親履甸之西南建清致神廟寬廣精麗中立鐵柱高七尺五寸徑二尺八寸上題曰建極十三年壬辰四月庚午朔十有四日癸丑鑄以鎮其川實唐咸通十二年也還遣將襲嘉黎雅三州皆陷之又

進犯成都甲午建極十五年唐僖宗乾符元年也冬遣使寇西川陷黎州入邛峽閔掠工匠玉帛金銀男女而歸建極十九年春二月卒

一作武宣

靖王時曾號大豐

第十二世宣武帝名隆舜即位之初復改國號曰大封民國建元貞明三年幸善闡城仍為東京祭阿育王子金馬碧鷄二山景帝及神明天子各廟立遷都郊祀山川社稷二壇于善闡城外山川壇西南又築一城與其子舜化居之名曰中城唐乾符六年春嶺南節度使辛

舜化下一有貞字

元和至乾符七十年不應辛讞尚在

中和唐僖宗端

楊登殺之

黨復遣使來廣明元年夏六月僖宗遣宗正少卿李龜
年至善闡與南詔和親次年又改元中和元年秋八月
遣使上表歸唐三年冬唐遣中使以宗女妻之卒于東
京

野史所載者孝哀子

國端大長和誤作
天長

第十三世孝哀帝名舜化建元中興唐昭宗乾寧四年
冬十二月遣使上書後為鄭買嗣弒而篡其位國號天
長改元安國初買嗣為宣武相宣武幸善闡留買嗣守
國遂及于篡後有趙善政楊于貞等通篡三姓共三十

六年而至武威人段思平在五代晉時

段思平更國號曰大理蒙段四十一主共歷六百有一
年皆都于善闡大理善闡金碧為城昆水為池大理西
倚點蒼東挾洱水龍首關于鄧川之南龍尾關于趙臉
之北蒙鄭趙楊段五姓數百年但唐末五季衰亂兵不
遠及五姓之主互與中國抗宋興北有大敵不暇遠畧
使傳往來不通于中國邦人以去天竺不遠俗多尚浮
屠法家無貧富皆有佛堂人無論老壯手不釋數珠一

歲之間齋戒幾半齋時不茹葷飲酒至齋畢乃已沿山
寺^宇守極多禮佛遊玩者弗絕至元世祖北來進麗江

石門關大理摩訶羅嵯段興智降

元仍立段信苴實留守大理削其帝號命睦力合兵東

征於越段興智同信苴福為副所向皆克回至京賞賚

甚厚興智死元遣使諭祭賜物歸葬乃宣諭信苴實曰

向帥我師往臨爾境重拒國人之請因從誠信之盟款

附而來忠勤益著庸爾至優之渥彰以同視之仁可賜

虎符依舊管領大理善闡威楚統矢會川建昌騰越謀

統等州城勾當仍悉各處萬戶千戶隊長管民之官屬

並聽信苴實節制尚修前效毋負初心撫安已附之民

招集未降之眾國典有常卿其勉之宜令准此元中統

二年也任信苴實為大理宣慰使司世襲都元帥階鎮

國復陞雲南行省叅知政事故子信苴慶繼襲父職階

亦如之中慶路總管高龍繕為左丞階資善

昔

各書有段忠立在慶前

咸淳世祖尚存諡乃
後人附益
載記摩訶羅嵯為
元封號
段實乃興智弟

咸淳元年春正月八日滇民張道宗錄

紀古滇說集

跋紀古滇說集

總戎雲樓沐公命梓人刻紀古滇說集慎得披閱焉曰

茲野史之流郡乘之裨也比于虞初九百之說方朔三千之牘要為有係不涉無益傳之不亦何乎竊謂公之命是梓也有四善焉訊俗一也辨方二也好古三也崇文四也其為文教之揆武衛之奮以承九重付畀之重一方式過之略於茲乎取焉謹跋之于卷尾云嘉靖巳

酉十二月朔日治屬博南戍史楊慎謹書

北勝州南有程海程姓所居初象陸地一夕忽變為海昔有漁者網得
古碑刻有大聖程河妙景帝字善蒙氏偽封之碑出於十
出潤又網得青碧磁枕歲首視之燎潤以占雨旱今供就
王廟呼就枕



書